

# Informativni list

Pokrajinskog sindikata radnika u  
poljoprivredi Donje Austrije



Bosna i Hercegovina  
(Bosnien)

## Prava radnika u poljoprivredi na farmama u Donjoj Austriji

Važi od 1. januara 2026.g.

Pokrajinski sindikat radnika u poljoprivredi Donje Austrije (NÖ LAK) je zakonski zastupnik interesa svih radnica i radnika u poljoprivredi i šumarstvu u Donjoj Austriji. Onaj ko je u radnom odnosu u nekom poljoprivrednom gazdinstvu u Donjoj Austriji, automatski je član (NÖ LAK). Ovo vam također daje besplatnu podršku u pitanjima radnog i socijalnog prava.

1. Ovisno o postignutom sporazumu o plati, minimalna mjesečna plata
  - € 1.920,- za žeteoce ili
  - € 1.827,02 plus paušal za prekovremeni rad od € 156,90 za pomoćne radnike

Odredba o minimalnoj plati važi i za posuđene radnike ili radnike detaširane iz inostranstva. Ako poslodavac isplati manje od minimalne plate, prijeti mu visoka kazna.

2. Od poslodavca morate dobiti razne radne papire. Posebno vodite računa da Vam poslodavac
  - na početku radnog odnosa uruči prijavu za austrijsko zdravstveno osiguranje i
  - da vam uruči mjesečni platni list.

3. Prilikom prijave na austrijsko zdravstveno osiguranje (ÖGK) morate dobiti broj socijalnog osiguranja. Na osnovu ovog broja možete u periodu od najmanje 150 dana koristiti usluge zdravstvenog osiguranja. Ako nijedna vaša fotografija nije registrirana kod austrijskih vlasti, morate posjetiti ured za registraciju u tom roku sa aktualnom fotografijom za pasoš i važećom putnom ispravom, nakon što unaprijed zakažete termin. Dodatne informacije u ovome možete pronaći na [www.chipkarte.at](http://www.chipkarte.at).

Ako je podnošenje zahtjeva moguće samo tokom radnog vremena, onda to predstavlja bitan razlog za izostanaka sa posla, tako da imate pravo na plaćeno oslobađanje od rada u neophodnoj mjeri. Svi koji nemaju (glavno ili sekundarno) prebivalište u Austriji moraju dostaviti zdravstvenom osiguranju ÖGK adresu za dostavu e-kartice.

4. U poljoprivrednim gazdinstvima, posebne isplate („13. i 14. plata“) obuhvataju i paušal za prekovremene sate. Dodatak za godišnji odmor i božićni bonus iznose zato minimalno € 1.920,-- za žeteoce ili € 1.983,92,-- za pomoćne radnike. Tokom prve tri kalendarske godine u istom gazdinstvu postoji samo jedno smanjeno pravo na posebnu isplatu (€ 1.718,24 ili € 1.775,45).

5. Morate zaključiti sporazum o normalnom radnom vremenu (= dužina i raspored redovnog dnevnog i sedmičnog radnog vremena). Poslodavac, načelno, ne može jednostrano mijenjati dužinu radnog vremena, a raspored može da mijenja samo vrlo ograničeno.

6. Poslodavac je obavezan da vodi evidenciju o radnom vremenu. Pobrinite se da Vam poslodavac preda ovu evidenciju ili Vi vodite svoju evidenciju o početku i završetku radnog dana i pauzama tokom rada. Osim toga, za veći učinak tokom normalnog radnog vremena imate, načelno, pravo na dodatak na satnicu.

7. Imate pravo na pet sedmica plaćenog odmora u jednoj godini rada. Ukoliko niste zaposleni u gazdinstvu tokom cijele radne godine, imate pravo na alikvotni godišnji odmor za vrijeme trajanja radnog odnosa. Za odmor koji niste koristili, na kraju radnog odnosa imate pravo na odštetu („kompensacija za godišnji odmor“).

8. U slučaju da se razbolite, morate odmah o tome obavijestiti poslodavca. U slučaju bilo kakvih sporova, trebali biste biti u mogućnosti da dokažete da ste se javili poslodavcu. Na zahtjev poslodavca morate donijeti ljekarsko uvjerenje o oboljenju. Ljekarska uvjerenja iz inostranstva morate obavezno lično dostaviti odn. poslati austrijskom zavodu za zdravstveno osiguranje u roku od sedam dana, u suprotnom neće Vam biti isplaćena naknada plate tokom bolovanja.

Kontakt:  
NÖ Landarbeiterkammer  
Marco d'Aviano Gasse 1/1  
1015 Wien

Tel.: 01/512 16 01 DW 12  
e-mail: lak@lak-noe.at  
www.landarbeiterkammer.at/noe

Neophodno je zakazivanje  
termina (na njemačkom ili  
engleskom jeziku)!